

北京師範大學圖書館藏稀見方志叢刊

七

北京師範大學圖書館 編

北京圖書館出版社

皇明常熟文獻志卷之十一

邑人管一德士恒編次

人物志小序

人物大畧已見序文及盛奇志中今止列名不復敘
事惟節孝隱逸未及前載者今始載之亦不能詳比
于昔人偏記小錄或庶幾焉若擬諸別傳如趙採之
錄忠臣徐廣之錄孝子梁鴻之錄逸民劉向之錄列
女則吾弗敢當也

忠臣

黃鉞

蔣欽

唐天恩

事俱見志中

名臣

張洪

吳訥

衛浩

魚侃

徐恪

錢昕

程宗

李傑

瞿俊

周紹榮

陳察

瞿景淳

嚴訥

陳瓚

徐棻

趙用賢

事俱見志中

文學

林大同

張洪

傅著

吳訥

季麓

丘方

唐敏

張懋

周木

高德

章表

蔣紱

馬儒

桑瑜

桑瑾

李傑

王鼎

桑悅

狄雲漢

丁仁

陳寰

錢仁夫

吳寅

丁奉

楊儀

鄧韞

夏玉麟

陳逅

張京安

錢籍

嚴訥

瞿景淳

沈應魁

邵圭潔

孫樓

陳贊

朱召

吳堂

趙用賢

孫忠

蔣以忠

瞿汝稷

陳禹謨

孝行

徐植字元芳父彥達掌鄉賦徭于元季弊政賦入役

期法當刑植時年二十八赴所司自陳引爲已罪
所司不能奪遂從其請臨刑有詩曰父母恩同天
地高願將一死報劬勞三杯白酒濃如鵠七尺青
絲利似刀風送斷魂歸故里月移枯骨葬荒郊遙
知親族偏憐我淚灑西風濕布袍邑人王廷珪爲
作孝子傳

錢廸旌之子少有至性詣闕願代父死時年甫十八
事附見科第志從子完感其孝爲特祠于家

沈良字性本支川人甫八歲母王患痼疾醫藥罔效
良旦夕痛哭懇禱于天乞以身代母病尋愈有司
歲給白鏹以旌表其廬宣德五年周文襄公除元
弊政行部至邑召父老議田糧定額良力言田土
肥瘠設權法秤土重輕而增減其稅額立爲七則
上奇之徵而不就年七十九而終別號怡靜叟
顧坤號心田母病篤坤焚書籲天割左臂肉作羹以
進母病尋愈又二十年而母卒猶廬墓三年旦夕
哀慕不輟事其兄乾克盡弟道有 詔旌表爲之

蓋坊與唐忠臣祠相近邑人榜其里曰忠孝坊

顧憲字叔度支塘人父落魄江淮間憲獨與母相守
笑如也補邑諸生乃訪父得歸倭夷之亂負其父
母間關入城日勉市酒餼以慰安之有女兄適某
者寔甚母最憐念憲曲爲調恤居常待父母煦煦
如嬰兒定省無間寒燠人亦稱爲顧孝子

唐一麟號少峯忠臣天恩之曾孫母患痰疾幾殆一
麟日夕焚香告天願減已壽以增母壽忽一夕大
笑一聲而卒卒三日而母病愈

張遵字孟循父文德痼疾弗瘳遵告于天剔肝雜炙
中以進父病尋愈

陳貞字子固洪武初母沈患心痛垂革貞割股雜炙
中以進母食而甦越三日痛復作貞欲剔心再進
母覺之謂曰汝誠篤孝若爾我心益痛止之是夜
沈夢土神周孝子授以紫蘇飲服之愈人以爲孝
感云

周源字尚本性純篤有孝行母病久不瘥源割股以

進母疾尋愈源博學能文詞年八十餘卒

殷庸家貧以治梳爲業凡得新味必奉母隣巷社飲
穀核皆不敢食必携以歸奉焉冬溫夏靖人擬之
黃香母患滯下穢污必躬除滌他孝行多類此

陳疇字仲器父母亡廬于墓六年目失明一夕夢白
衣老人治之旣覺而目復明有僧見白龍見于其
墓士林有詩紀其異焉

瞿興嗣字華卿居沙谿母患癰癰潰當夏日臭穢不
可近興嗣躬爲洗滌旣又邁危疾興嗣剖股作羹

以進母病尋愈母又思食芰時芰始花求之不得
興嗣入水半日忽得三芰人稱孝感所致又周卹
貧匱傾貲不一而足宋景濂嘗傳其事子名莊字
敬孚見薦舉志

葛潤字孟寬幼失怙恃鞠于祖母陳氏旣長事陳孝
敬陳病劇潤剔肝肉和粥以進遂得瘥縣令楊子
器爲具喪葬蠲其家役再表其墓

錢之選 事見科第志

徐汝良號冲寰尚書拭之姪孫父振德病篤汝良割

股投劑中父病良已邑令監司顏其門曰曾閔之
孝後父歿負土治隴與傭伍雜作仍茹素三年與
諸弟析箸不以嫡子故私寸錢尺帛念諸弟幼
逋多爲代償而居恒跼蹐爲退遜狀嘗考敘其
其事請旌于朝而嫌其富家子不果若學校諸
生具文呈請則視爲奇貨而需索無厭汝良遂
以受侮而家業幾替江南盛傳以爲談資君子謂
汝良卽好名終不失爲善人也

事見西
臺漫記

友愛

蔣安字仁伯洪武間其弟懋以累戍開平安時爲庠生去巾幘詣御史泣曰懋幼弱不任戍且老母所鍾愛請以安往御史許之後裔紱欽寺五登科第張吳字公遜洪武間兄公譚坐事謫戍貴州歿于戍所有司檄取戶丁補伍父命弟公豫往吳曰弟幼弱且留以侍親且遠戍恐塵父憂吾當往父不得已遂遣吳行

吳琳 見科第志任汀州教授念母老解官歸養與

弟瑄最友愛出入居處必與俱瑄亦修謹善事琳鄉人竝稱之

陳播 見科第志家貧事繼母生母孝敬無間弟抗長猶未知檢播溫言警誘委之以家費其資殆盡播知而不問弟後悔革故習

屠播字永新縣之許浦人性醇朴自其四世未嘗折箸播尤有義問

龔景才五世同居少孤力學

季儒字席珍縣之文村人爲諸生有名好談民間疾

苦每撰書累數千言白于當路爲民請命有酷吏
黃某極殺人下筭御史鄒霧居南臺聞而欲治之
訪于李儒馬儒儒以實告御史嘆曰此之謂國人
皆曰可殺者遂達治儒嘗試于學臺當得廩以從
叔躍年老白之御史請先廩其叔御史義之從其
請其兄家多貲儒貧無所賴迨兄有外侮儒傾身
赴之雖犯難不避平居接物恂恂如恐傷退然如
不勝衣年五十餘需貢而卒

桑瑜

桑瑾

事俱見科第志兄弟同日出仕同日

休官

周本 事見科第志弟彬病刲臂肉爲粥療之竟弗效

顧雲龍號思東布政雲程之兄仲兄雨督家政以雲龍異母弟遇之甚嚴雲龍事兄溫婉雨掌鄉賦以歲凶不能登官司捕之甚急雨惧亡命雲龍挺身出代縣令榜之累百械其手而縣之獄中幾殆會令卒得解歸歸見兄絕口不言受榜痕狀也

義俠

王鼎 李栗 事俱見科第志

蘇金字用之嘗買一舟出篷下獲布囊一中皆金銀器艤舟以俟失者至悉還之夜有盜踰垣足躡假山石什不能去金覺之與錢一千俾事生理盜感愧卒爲善

季壽字景仁洪武中御史藍勝臨縣羅織無辜入重法株連百餘家闔境騷然無敢訴壽爲詣 闕陳狀上卽遣御史張定來理出之勝論死壽自是